



# SLUŽBENE NOVINE OPĆINE KAKANJ

IZDAVAČ:  
Općina Kakanj  
GODINA XXI

Broj 7/2017  
Datum: 06.04.2017.  
Akti: 108 - 120.

GRAFIČKA PRIPREMA I ŠTAMPA:  
STRUČNA SLUŽBA ZA POSLOVE  
OPĆINSKOG VIJEĆA

108.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

**Broj: 01/1-6-138/17**

**Kakanj, 31.03.2017. godine**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj: 4/08) i člana 119. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 6. sjednici održanoj 31.03.2017. godine, donijelo je

## **ODLUKU**

**o usvajanju Izvještaja o provedenoj javnoj raspravi o nacrtima Odluke o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj i Odluke o utvrđivanju registra naziva ulica, trgova i mostova na području općine Kakanj**

109.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

**Broj: 01/1-6-139/17**

**Kakanj, 31.03.2017. godine**

Na osnovu člana 13. stav (2) tačka 9) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 6. sjednici održanoj 31.03.2017. godine, donijelo je

## **ODLUKU**

**o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj**

### **Član 1.**

Ovom Odlukom usvaja se Izvještaj o provedenoj javnoj raspravi o nacrtima Odluke o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj i Odluke o utvrđivanju registra naziva ulica, trgova i mostova na području općine Kakanj.

### **Član 2.**

Sastavni dio ove Odluke je Izvještaj o provedenoj javnoj raspravi o nacrtima Odluke o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj i Odluke o utvrđivanju registra naziva ulica, trgova i mostova na području općine Kakanj.

### **Član 3.**

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

**Slaven Katičić, sr.**

## Član 1.

Ovom Odlukom uređuje se Registar mjesnih zajednica, naseljenih mjesta i dijelova naseljenih mjesta na području općine Kakanj, kako slijedi:

R. BR.	Naziv mjesne zajednice	Naziv naseljenog mjesta	Dijelovi naseljenog mjesta
1.	BIČER	- Bičer	- Bičer - Brdo - Selišta - Svinjci - Željeznička ulica
		- Slivnice	- Slivnice-Željeznička ulica
		- Željeznička stanica Kakanj	- Željeznička stanica Kakanj
2.	BIJELE VODE	- Bijele Vode	- Bijela Njiva - Bijele Vode - Dole - Makljenak
		- Kučići	- Kučići
		- Hausovići	- Hausovići
		- Gornji Banjevac	- Gornji Banjevac - Kamen
3.	BJELAVIĆI	- Bjelavići	- Bjelavići - Marići
		- Podbjelavići	- Podbjelavići
		- Obre	- Čaluci - Obre
4.	BREŽANI	- Brežani	- Brežani - Tomašići
		- Bištrani	- Bištrani Donji - Bištrani Gornji - Bošnjaci - Goraci - Lope - Orah - Šarići - Jasike
		- Miljačići	- Miljačići - Pezeri - Zajezda
5.	BRNJIC	- Brnjic	- Brnjic - Osredak
		- Bašići	- Bašići
		- Jerevice	- Jerevice
		- Pedići	- Pedići
6.	BRNJ	- Brnj	- Brnj - Čaje - Mašići - Žugolj
7.	BILJEŠEVO	- Bilješevo	- Bilješevo - Nedimovići - Uzdovnica
		- Donji Lučani	- Donji Lučani - Pakovići
		- Gornji Lučani	- Bencuni - Gadžuni - Gornji Lučani

		- Mioči	- Doca - Mioči - Miškovići - Vodice - Zagone
8.	BUKOVLJE	- Bukovlje	- Balići - Bečirhodžići - Božići - Čobe - Demiri - Kristići - Vidići - Žičara I - Žitelj
		- Govedovići	- Govedovići - Srijetež
9.	ČATIĆI	- Čatići	- Čatići - Usijel - Vehabi - Nevjestino selo - Grot - Čimen - Mlinčić - Jarčići
		- Hrasno	- Hrasno
		- Turbići	- Turbići
10.	DONJI KAKANJ	- Donji Kakanj	- Donji Kakanj
		- Groce	- Groce
		- Karaulsko Polje	- Karaulsko polje
		- Tičići	- Čelebići - Donji Tičići - Glavnići - Gornji Tičići - Krkeljaši - Pipe - Tičići
		- Karaula	- Čifići - Karaula - Stijena
11.	DUBOVO BRDO	- Dubovo Brdo	- Dubovo Brdo
		- Danci	- Danci, - Gredice
		- Drijen	- Drijen
		- Kondžilo	- Kondžilo
12.	DUMANAC	- Dumanac	- Dumanac - Roščevina
		- Desetnik	- Briješće - Donji Desetnik - Gornji Desetnik - Petrice - Srednji Desetnik - Šemaljka
13.	DOBOJ	- Doboј	- Doboј - Hrasnice
14.	HALJINIĆI	- Haljinići	- Haljinići
		- Bistrik-Crkvenjak	- Bistrik - Crkvenjak
		- Marijina Voda	- Marijina Voda
15.	KAKANJ I	- Kakanj	- Kakanj

		- Bare	- Bare - Novo naselje Bare
		- Plandište	- Plandište
16.	KAKANJ II	- Kakanj	- Kakanj
17.	KRŠEVAC	- Krševac	- Krševac
		- Hodžići	- Hodžići
		- Podborje	- Podborje
		- Turalići	- Turalići
		- Varalići	- Varalići
18.	KRALJEVA SUTJESKA	- Kraljeva Sutjeska	- Kraljeva Sutjeska
		- Ratanj	- Ratanj
		- Teševo	- Jurići - Teševo
19.	MRAMOR	- Mramor	- Donji Mramor - Gornji Mramor - Mramor
		- Ribnica	- Ribnica
		- Subotinje	- Subotinje - Šišići
		- Dračići	- Dračići
20.	MODRINJE	- Modrinje	- Brdo - Modrinje
		- Viduša	- Viduša
		- Saranovići	- Saranovići
		- Bosna	- Bosna
21.	NAŽBILJ	- Nažbilj	- Nažbilj
		- Bastašići	- Bastašići
		- Lipnica	- Donja Lipnica - Gornja Lipnica
		- Klanac	- Klanac
22.	POPE	- Pope	- Orasi - Pope - Stupe - Lozančići
		- Vrtlište	- Vrtlište
23.	PODGORA	- Popržena Gora	- Alibegovići - Anagora - Bara - Brdeljak - Popržena Gora
		- Sopotnica	- Barakovići - Sopotnica - Vrela
		- Jehovina	- Donja Jehovina - Gornja Jehovina
24.	PAPRATNICA	- Donja Papratnica	- Donja Papratnica
		- Gornja Papratnica	- Gornja Papratnica - Vukotići
		- Javor	- Javor
		- Sebinje	- Sebinje - Briza
25.	POVEZICE	- Povezice	- Povezice

26.	POLJANI	- Poljani	- Gajine - Kovačići - Kračići - Orašac - Priod - Šeperci - Vodarići - Riješnjaci
		- Papratno	- Papratno
		- Lučići	- Čovići - Lučići
27.	RIČICA	- Ričica	- Babići - Bjeloševići - Drenovik - Grmače - Kevilji - Kolići - Ričica - Roje - Škomlići
		- Živalji	- Kaparovići - Kovači - Sridice - Živalji
		- Rojin Potok	- Rojin Potok
28.	SEOCE	- Seoce	- Begići - Seoce - Čalukova Bara - Jurići
		- Bijelo Polje	- Bijelo Polje - Dujmovići - Đondraši
		- Lukovo Brdo	- Bradaši - Jonjići - Lukovo Brdo
29.	SLAPNICA	- Gora	- Gora - Odžak - Osoje - Piskavice - Stublo
		- Slapnica	- Donja Slapnica - Dvor - Gornja Slapnica - Matijevići - Softići - Tomići - Tunjići
		- Poljice	- Poljice
30.	STARPOSLE	- Starposle	- Starposle - Šahmani
		- Slivanj	- Slivanj
		- Hrastovac	- Hrastovac
		- Gradac	- Gradac
31.	TRŠĆE	-Tršće	- Bašići - Marošići - Otes - Subašići - Tabaci - Tršće - Brkići
		- Ivnica	- Ivnica - Mijatovići - Skenderovići - Velići

32.	TERMOELEKTRANA	-Termoelektrana	- Termoelektrana
		- Koprivnica	- Donja Koprivnica - Gornja Koprivnica - Trijepče
		- Kujavče	- Kujavče
		- Donji Banjevac	- Donji Banjevac
		- Jezero	- Jezero
33.	VARDA	- Varda	- Varda
34.	VUKANOVIĆI	- Vukanovići	- Vukanovići
		- Zlokuće	- Zlokuće
		- Slagošćići	- Slagošćići
35.	VELIKI TRNOVCI	- Veliki Trnovci	- Dužice - Jasike - Počivali - Veliki Trnovci
		- Pavlovići	- Kvesići - Pavlovići - Šćitari
36.	ZAGRAĐE	- Zagrađe	- Zagrađe
		- Semetiš	- Semetiš
		- Halinovići	- Halinovići
37.	ZGOŠĆA	- Zgošća	- Ravne - Ružići - Zgošća - Aliefendići
		- Crnač	- Crnač - Čizmići - Kalfići
		- Alagići	- Alagići - Klanac

**Član 2.**

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

**110.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO - DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-6-140/17**  
**Kakanj, 31.03.2017. godine**

Na osnovu člana 13. stav (2) tačka 9) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 24. stav (1) tačka 11) Statuta Općine Kakanj („Službene novine Općine Kakanj“, broj: 4/08), Općinsko vijeće na 6. sjednici održanoj 31.03.2017. godine, **donijelo je**

**O D L U K U**

**o utvrđivanju registra naziva ulica, trgova i mostova na području općine Kakanj**

**Član 1.**

Ovom Odlukom utvrđuje se registar naziva ulica, trgova i mostova na području općine Kakanj.

**Član 2.**

Na području općine Kakanj, utvrđuje se registar za 50 ulica kako slijedi:

- 1. Ulica Alije Izetbegovića** (bivša „Stanislava Traupa“ i „Zgoščanska“)

Ulica Alije Izetbegovića počinje od kružnog toka na ulazu u grad, nastavlja urbanom jezgrom grada te završava mostom na rijeci Zgošći, prije Parka minulih ratova. Ukupna dužina glavnog kraka ove ulice iznosi 1.484 m. Ovoj ulici s lijeve strane, uzvodno rijekom Zgošćom, pripadaju i sve transverzalne ulice koje se spajaju na Ulicu branilaca i pristupni putevi uz lijevu obalu rijeke Zgošće. Ulici Alije Izetbegovića s desne strane pripada i sporedna cesta u dužini od pošte do spajanja na Ulicu 7. muslimanske kod Zelene pijace te sporedna ulica u dužini od pošte do spajanja na glavnu ulicu Alije Izetbegovića, naspram poslovnog objekta "REAL" (bivši Konzum).

## **2. Ulica 7. muslimanske** (bivša „Miladina Dragića“)

Ulica 7. muslimanske počinje odvajanjem sa kružnog toka na centru, nastavlja prema Staroj jami i završava kod ulazne kapije iste. Ukupna dužina navedene ulice iznosi 432 m.

## **3. Ulica šehida** (bivša „Omladinska“)

Ulica šehida odvaja se sa Ulice 7. muslimanske, naspram Zelene pijace, zatim nastavlja pored Srednjoškolskog centra i O.Š. "Hamdija Kreševljaković" i spaja se na ulicu Alije Izetbegovića. Ukupna dužina Ulice šehida iznosi 897 m.

## **4. Ulica Zeničko-patriotskog odreda**

Ulica ZPO započinje odvajanjem sa Ulice 7. muslimanske u blizini zgrade Poleta, nastavlja prema Plandištu i u pravcu Doma zdravlja Kakanj te završava spajanjem sa Ulicom Alije Izetbegovića, naspram poslovnog objekta "REAL" (bivši Konzum). Ukupna dužina ove ulice iznosi 796 m.

## **5. Ulica 1. maj**

Ulica 1. maj započinje od parcele k.č. 2173, k.o. Kakanj, u blizini poslovnog objekta "Ara" (ne uključujući ovaj objekat), a završava odvajanjem desno prema Plandištu, na granici sa parcelom k.č. 2175, k.o. Kakanj. Ova ulica proteže se u dužini od 869 m (dužina glavnog kraka).

## **6. Ulica 311. lahke brigade** (bivša „Vlade Dragića“)

Ulica 311. lahke brigade započinje od kružnog toka na ulazu u Kakanj i pruža se u pravcu autoputa tj. naplatnih kućica i bivšeg hotela "Premium". Dužina ovog kraka iznosi 1.068 m. Ulica 311. lahke brigade obuhvata i dio industrijske ceste od teretne kapije TC Kakanj do podvožnjaka u blizini poslovnog objekta "Nova Trgovina" kao i transverzale koje spajaju ova dva kraka. Ukupna dužina industrijske ceste koja pripada Ulici 311. lahke brigade iznosi 690 m.

## **7. Ulica branilaca**

Ulica branilaca počinje odvajanjem desno sa Rudarske ulice iz pravca Albanije, pored Parka minulih ratova. Pruža se novoizgrađenom saobraćajnicom, desnom obalom rijeke Zgošće pored administrativnog objekta Općine Kakanj sve do spajanja sa Ulicom V divizije NOP-a, u blizini objekta na parceli k.č. 1681/2, k.o. Kakanj i ušća Zgošće u rijeku Bosnu. Ovoj ulici pripada i krak dužine 442 m koji se sa odvaja desno pored boračke zgrade kroz romsko naselje prema Elektrodistribuciji i ponovo izlazi na Ulicu branilaca. Ulici branilaca pripada i krak dužine 208 m koji se sa ove ulice odvaja desno od objekta na parceli k.č. 1724/2, k.o. Kakanj, u pravcu romskog naselja, do kraja parcele k.č. 2182, k.o. Kakanj. Dužina glavnog kraka ove ulice od spomenika do ušća rijeke Zgošće u Bosnu iznosi 1.213 m, a ukupna dužina sa svim krakovima iznosi 1.863 m.

## **8. Ulica Patriotske lige** (bivša „Mate Kneževića“)

Ulica Patriotske lige počinje odvajanjem desno sa Ulice Osmana Džafića, od stambenog objekta Zaimović Ređiba na parceli k.č. 944, k.o. Kakanj (uključujući i ovaj objekat), obuhvata i krak koji se odvaja lijevo u pravcu Grebena i završava izlazom na Ulicu Mehmeda Skopljaka pored stambenog objekta Husagić Ševala na parceli k.č. 337, k.o. Kakanj (ne uključujući ovaj objekat). Ukupna dužina opisane ulice je 855 m.

## **9. Ulica Rudija Čajaveca**

Ulica Rudija Čajaveca započinje odvajanjem desno sa Ulice Osmana Džafića, nastavlja pored baraka, odnosno iznad lamela i završava izlazom na Ulicu Stjepana Kovačevića. Dužina opisane ulice iznosi 463 m.

**10. Ulica Ive Lole Ribara**

Ulica Ive Lole Ribara počinje odvajanjem desno sa Ulice Stjepana Kovačevića i pruža se parcelom k.č. 2163, k.o. Kakanj te završava spajanjem sa Ulicom Mehmeda Skopljaka. Ukupna dužina Ulice Ive Lole Ribara iznosi 257 m.

**11. Ulica Stjepana Kovačevića**

Ulica Stjepana Kovačevića odvaja se lijevo sa križanja Rudarske ulice i Mehmeda Skopljaka, pored nekadašnjeg Karitasa (uključujući i ovaj objekat) te nastavlja do stambenog objekta Gačić Elvedina na parceli k.č. 419/4, k.o. Kakanj, u dužini od 163 m. Ulica Stjepana Kovačevića obuhvata i krak koji se odvaja lijevo ispod lamela do izlaza na Rudarsku ulicu kod stambeno-poslovnog objekta "Rima-market" (ne uključujući ovaj objekat) u dužini od 244 m.

**12. Ulica Mehmeda Skopljaka**

Ulica Mehmeda Skopljaka počinje od raskrsnice kod bivšeg Karitasa, odnosno kod križanja sa ulicom Stjepana Kovačevića i dalje nastavlja prema naseljenom mjestu Zgošća do stambenog objekta Ganibegović Salke na parceli k.č. 172/1, k.o. Kakanj. Ukupna dužina ove ulice iznosi 814 m.

**13. Rudarska ulica**

Rudarska ulica započinje od mosta na rijeci Zgošći u blizini Parka minulih ratova, a završava na križanju sa ulicom Stjepana Kovačevića, naspram poslovnog objekta "Maxi-market" (uključujući i ovaj objekat). Dužina Rudarske ulice iznosi 587 m.

**14. Ulica Omera Maslića**

Ulica Omera Maslića započinje odvajanjem desno sa Ulice Mehmeda Skopljaka, naspram katoličke crkve i pruža se dalje preko mosta na rijeci Zgošći te završava na raskrsnici sa Ulicom Paše Kubata kod stambenog objekta Čehajić Bahrudina (uključujući i ovaj objekat). Ovoj ulici pripada i krak koji se odvaja desno sa prethodno opisane ulice prema područnoj OŠ "Mula Mustafa Bašeskija" Bukovlje kao i krak koji se odvaja lijevo pored objekta Kubura Ilhane r. Karzić, na parceli k.č. 47, k.o. Bukovlje. Ukupna dužina Ulice

Omera Maslića bez njenih sporednih krakova iznosi 791 m.

**15. Ulica Melente Bošnjaka**

Ulica Melente Bošnjaka počinje odvajanjem lijevo sa Rudarske ulice kod ugostiteljskog objekta "Park" (bivša Pojata), ne uključujući ovaj objekat, te nastavlja pored UGPD Zgošća i završava na raskrsnici kod Šehidske česme u naseljenom mjestu Varda. Ukupna dužina ove ulice iznosi 488 m.

**16. Ulica 4. juli**

Ulica 4. juli počinje od trafoa u blizni Šehidske česme na Vardi i pruža se prema kamenolomu Greben do stambenog objekta Kukić Sakiba na parceli k.č. 494, k.o. Kakanj (uključujući i ovaj objekat). Ukupna dužina ove ulice iznosi 802 m. Ulica 4. juli obuhvata i desni krak koji se pruža neposredno iznad gradskog groblja.

**17. Ulica V divizije NOP-a**

Ulica V divizije NOP-a počinje od objekta bivšeg Maršala na parceli k.č.1629, k.o. Kakanj (ne uključujući ovaj objekat), nastavlja prema Vardi i završava pored Šehidske česme na Vardi, na raskrsnici sa Ulicom Melente Bošnjaka i Ulicom 4. juli. Ova ulica obuhvata sve krake koji se spajaju s desne i lijeve strane. Dužina ove ulice, ne uključujući sporedne krakove, iznosi 1.147 m.

**18. Ulica bratstva i jedinstva**

Ulica bratstva i jedinstva počinje ispod Mosta mladih, pružajući se parcelom k.č. 1794, k.o. Doboj, paralelno sa lijevom obalom rijeke Bosne i dalje ispod tzv. Cementarskog mosta nastavlja parcelom k.č. 1792, k.o. Doboj. Ukupna dužina ove ulice iznosi 1.433 m.

**19. Željeznička ulica**

Željeznička ulica pruža se od mosta na rijeci Bosni u mjestu Zli brijeg, od stambenog objekta na parceli k.č. 151/1, k.o. Doboj, paralelno sa željezničkom prugom do početka Ulice 29. novembar, u blizini podvožnjaka ispod autoputa u mjestu Podhrasnice. Željeznička ulica završava sa parcelom k.č. 845/4, k.o. Doboj sa desne, te k.č. 846/2, k.o. Doboj, sa lijeve strane. Ukupna dužina ove ulice iznosi 1.425 m.



**20. Ulica Rudija Malog**

Ulica Rudija Malog počinje odvajanjem lijevo sa Ulice Patriotske lige pored stambenog objekta Amidžić Admira na parceli k.č. 358, k.o. Kakanj (uključujući ovaj objekat), nastavlja kroz mjesto Šimiće i završava izlazom na Ulicu Mehmeda Skopljaka u blizini stambenog objekta Habibović Nehrudina na parceli k.č. 204, k.o. Kakanj (ne uključujući ovaj objekat). Ukupna dužina ove ulice iznosi 790 m.

**21. Ulica Osmana Džafića**

Ulica Osmana Džafića počinje odvajanjem lijevo sa Rudarske ulice pored rudarskog parka, nastavlja čitavom dužinom parcele k.č. 2166, k.o. Kakanj i završava spajanjem sa Ulicom 4. juli u mjestu Barev Do. Dužina opisane ulice iznosi 532 m.

**22. Ulica 309. brdske brigade**

Ulica 309. brdske brigade počinje odvajanjem desno sa Ulice Melente Bošnjaka kod objekta UGPD Zgošća, a zatim se pruža pored objekta Centra za socijalni rad, te nastavlja ravno dalje sve do spajanja sa Rudarskom ulicom neposredno prije stambeno-poslovnog objekta "Rima market". Ukupna dužina navedene ulice iznosi 427 m.

**23. Ulica 27. juli**

Ulica 27. juli u naseljenom mjestu Povezice započinje odvajanjem desno sa Ulice 311. lahke brigade pored stambeno poslovnog objekta "Crni" (uključujući i ovaj objekat), nastavlja pored Autobuske stanice Kakanj i završava na križanju sa Ulicom bratstva i jedinstva. Ulica 27. juli pruža se čitavom dužinom parcele k.č. 569, k.o. Doboje. Ukupna dužina ulice iznosi 263 m.

**24. Ulica Paše Kubata**

Ulica Paše Kubata počinje od Mosta šehida na rijeci Zgošći, pruža se njenom lijevom obalom te završava kod Aliefendića mosta. Ulica Paše Kubata ima ukupnu dužinu od 506 m.

**25. Ulica Almira Hasagića ( bivša dio Ulice „29. Novembar“)**

Ulica Almira Hasagića počinje u blizini podvožnjaka ispod autoputa V-c u mjestu

Podhrasnice, odnosno odvađa se desno na raskrsnici Ulice 29. novembar, zatim nastavlja prema bičerskoj džamiji u dužini od 1.050 m, do podvožnjaka autoputa u mjestu Podravanje-Zli Brijeg.

**26. Ulica Selima ef. Merdanovića“ ( bivša „Fadila Dogdibegovića“)**

Ulica Selima ef. Merdanovića počinje odvajanjem sa kružnog toka na ulazu u Kakanj i prolazi kroz naselje Doboje u pravcu Kakanj – Čatići, do Merajice i križanja sa Ulicom Imamovića kod stambeno-poslovnog objekta Rima market (uključujući i ovaj stambeno-poslovni objekat). Ulica Selima ef. Merdanovića obuhvata sve krake Novog naselja Cementara koji imaju pristup na ovu ulicu, te krak koji se odvađa lijevo pored stambenog objekta Mandžuka Šabana na parceli k.č. 615/5, k.o. Doboje, i nastavlja lijevom obalom do mosta Zlatnih ljiljana na rijeci Bosni. Dužina Ulice Selima ef. Merdanovića bez njenih krakova iznosi 1.115 m.

**27. Ulica Vehbije Kulovića**

Ulica Vehbije Kulovića odvađa se desno sa Ulice Selima ef. Merdanovića kod stambeno poslovnog objekta "Rima market", te se nastavlja sve do pješačke pasarele preko autoputa koja se spaja sa Ulicom 29. novembar. Ulica Vehbije Kulovića ima dužinu od 527 m.

**28. Ulica Saliha Jašarspahića**

Ulica Saliha Jašarspahića počinje odvajanjem lijevo sa Ulice Selima ef. Merdanovića i proteže se duž parcele k.č. 1799, k.o. Doboje, pored džamije u Doboju, do ponovnog uključenja na Ulicu Selima ef. Merdanovića u dužini od 420 m.

**29. Vatrogasna ulica**

Vatrogasna ulica u naseljenom mjestu Doboje nastavlja se na Ulicu Selima ef. Merdanovića, od križanja sa Ulicom Imamovića kod stambeno-poslovnog objekta "Rima market". Sa glavne saobraćajnice skreće desno ispod pružnog mosta i nastavlja lijevom obalom rijeke Bosne pored izvora Studenac te završava kod stambenog objekta Arnautović Fadila na parceli k.č. 1741, k.o. Doboje. Ukupna dužina Vatrogasne ulice iznosi 833 m.

**30. Ulica Imamovića**

Ulica Imamovića u naseljenom mjestu Doboj počinje odvajanjem lijevo sa Ulice Saliha Jašarspahića, prije objekta "Kulturni centar Turk-Bošnjak", nastavlja lijevom obalom rijeke Bosne pored Vatrogasnog doma, te završava pored stambeno-poslovnog objekta "Rima market" na Merajici (ne uključujući ovaj objekat). Ukupna dužina ove ulice iznosi 861 m.

**31. Ulica Kulovića**

Ulica Kulovića ima ukupnu dužinu od 156 m i započinje odvajanjem lijevo sa Ulice Selima ef. Merdanovića kod stambenog objekta Kulović Mufida na parceli k.č.1203/2, k.o. Doboj, (uključujući i ovaj objekat) i nastavlja do spajanja sa Ulicom Imamovića.

**32. Ulica Milski put**

Ulica Milski put u naseljenom mjestu Doboj predstavlja dio regionalne ceste Kakanj-Visoko i započinje od drumskog mosta preko rijeke Bosne do pristupnog puta za odvoz rudničke jalovine sa lijeve strane, nakon poslovnog objekta "Tržnica". Ulica Milski put obuhvata krak koji se odvaja desno prema stadionu Mladosti i zatim nastavlja uz desnu obalu rijeke Bosne prema Milama te krak koji se odvaja lijevo sa regionalne ceste pored baraka (također prema Milama). Ukupna dužina Ulice Milski put zajedno sa svim njenim kracima iznosi 1.111 m.

**33. Ulica 29. novembar**

Ulica 29. novembar počinje parcelom k.č. 934, k.o. Bičer, kod stambenog objekta Hadžić Selima sa desne strane i stambenog objekta Ibrahimspahić Irfana sa lijeve strane (uključujući navedene objekte). Ovaj krak Ulice 29. novembar pruža se sa desne strane autoputa pored OŠ "15. april" Doboj, do podvožnjaka ispod autoputa u mjestu Dobojsko polje.

**34. Ulica 25. novembar**

Ulica 25. novembar u naseljenom mjestu Doboj proteže se u dužini od 859 m i počinje parcelom k.č. 1072, k.o. Bičer, odnosno odvajanjem desno sa Ulice 29. novembar kod Dobojskog mezarja, naspram pješačke pasarele iznad autoputa, te dalje nastavlja prema naseljenom mjestu Koprivnica i završava kod

stambenog objekta Rajkić Faruka (uključujući i ovaj objekat).

**35. Ulica 8. april**

Ulica 8. april u naseljenom mjestu Doboj proteže se cijelom dužinom parcele k.č. 1458, k.o. Doboj, odnosno, počinje odvajanjem lijevo sa Ulice Vehbije Kulovića, prije mosta preko željezničke pruge, a završava kod stambenog objekta Goga Admirala (nekadašnji bunker) pri tome ne uključujući ovaj objekat. Navedena ulica ima dužinu od 346 m.

**36. Ulica Hrasnički put**

Ulica Hrasnički put proteže se u dužini od 1.139 m, a počinje odvajanjem desno sa Ulice 29. novembar pored OŠ "15. april" te ponovo nastavlja desno prema dijelu naseljenog mjesta Hrasnice i završava kod stambenog objekata na parceli k.č. 853, k.o. Bičer i stambenog objekta Ahmetović Juse na parceli k.č. 813, k.o. Bičer (uključujući i ove objekte).

**37. Partizanska ulica**

Partizanska ulica započinje odvajanjem lijevo sa Ulice Vehbije Kulovića nakon drumskog mosta preko željezničke pruge. Počinje od stambenog objekta Migić Sudana na parceli k.č. 1592, k.o. Doboj (uključujući i ovaj objekat) i pruža se prema stambenim zgradama u dužini od 120 m.

**38. Ulica Potoci**

Ulica Potoci u naseljenom mjestu Doboj započinje odvajanjem lijevo sa Ulice Hrasnički put nakon OŠ "15. april", a završava kod stambenog objekta Karahodžić Ibrahima (uključujući i ovaj objekat). Navedena ulica pruža se u dužini od 953 m.

**39. Ulica Vinski put**

Ulica Vinski put počinje od mosta na Koprivskom potoku pored stambenog objekta Ibrahimspahić Senada na parceli k.č. 2451/2, k.o. Bičer (uključujući i ovaj objekat) i nastavlja prema naseljenom mjestu Donji Banjevac do stambenog objekta Penjo Ismeta na parceli k.č. 2665, k.o. Bičer (uključujući i ovaj objekat). Ukupna dužina ove ulice iznosi 538 m.

#### 40. Rudarska ulica Čatići

Rudarska ulica u naseljenom mjestu Čatići ima dužinu od 736 m, a započinje odvajanjem lijevo sa regionalne ceste Kakanj-Kraljeva Sutjeska, od parcele k.č. 1026, k.o. Čatići i nastavlja do ulaza u krug depoa Termoelektrane Čatići (uključujući i ovaj industrijski objekat).

#### 41. Željeznička ulica Čatići

Željeznička ulica započinje odvajanjem desno sa regionalne ceste Kakanj-Kraljeva Sutjeska od stambenog objekta Bojić Zorana na parceli k.č.1103, k.o. Čatići te dalje nastavlja kroz naseljeno mjestu Turbići, do skretanja za naseljeno mjesto Gora u blizini depoa pepela Turbići. Ukupna dužina Željezničke ulice iznosi 1.813 m.

#### 42. Brigadirska ulica Čatići

Brigadirska ulica u naseljenom mjestu Čatići odvaja se lijevo sa lokalne ceste Čatići-Slapnica naspram ulaza u krug poslovnog objekta DSM-Trade i pruža se do izlaza na cestu Kakanj-Kraljeva Sutjeska u dužini od 245 m.

#### 43. Ulica Polje Čatići

Ulica Polje Čatići počinje od raskrsnice na dijelu regionalnog puta Kakanj-Kraljeva Sutjeska-Visoko do drumskog mosta na rijeci Bosni. Jedan krak Ulice Čatići Polje proteže se i do Željezničkog mosta na istoj rijeci prema Doboju. Ukupna dužina ove ulice iznosi 989 m.

#### 44. Vinska ulica Čatići

Vinska ulica u naseljenom mjestu Čatići proteže se u dužini od 278 m i počinje odvajanjem sa puta Kakanj-Kraljeva Sutjeska u dijelu naseljenog mjesta Vehabi naspram šehidske česme, a završava kod stambenog objekta Plasto Eniza na parceli k.č. 477, k.o. Čatići, prema naseljenom mjestu Hrasno.

#### 45. Ulica fra Bone Benića Čatići (bivša „Abdulaha ef. Ganića“)

Ulica fra Bone Benića proteže se od raskrsnice na dijelu regionalnog puta Kakanj-Kraljeva Sutjeska-Visoko do stare osnovne škole u Obrima (ne uključujući ovaj objekat) u dužini od 1943 m.

#### 46. Omladinska ulica Čatići

Omladinska ulica u naseljenom mjestu Čatići odvaja se desno sa ceste Kakanj-Kraljeva Sutjeska i proteže se cjelokupnom dužinom parcele k.č. 1239/1 k.o. Čatići do ponovnog izlaska na cestu Kakanj-Kraljeva Sutjeska, te obuhvata i krak koji se spušta desno pored sportskog igrališta "Čimen" do mosta na rijeci Trstionici. Ukupna dužina ove ulice iznosi 815 m.

#### 47. Ulica Maršala Tita Kraljeva Sutjeska

Ulica Maršala Tita u naseljenom mjestu Kraljeva Sutjeska predstavlja dio regionalnog puta Kakanj-Kraljeva Sutjeska na potezu od stambenog objekta Stojčić Nike na parceli k.č. 842/2, k.o. Kraljeva Sutjeska, do mosta na raskrsnici prema naseljenim mjestima Ratanj i Nažbilj. Od mosta Ulica Maršala Tita nastavlja dalje prema franjevačkom samostanu. Ukupna dužina ove ulice iznosi 2.973 m.

#### 48. Ulica Stjepana Kovačevića Kraljeva Sutjeska

Ulica Stjepana Kovačevića u naseljenom mjestu Kraljeva Sutjeska započinje odvajanjem lijevo sa Ulice Maršala Tita, od stambenog objekta Pavlović Joze (uključujući i ovaj objekat) i nastavlja sve do ponovnog uključenja na Ulicu Maršala Tita. Ukupna dužina prethodno opisane ulice iznosi 266 m.

#### 49. Ulica Vladimira Nazora Kraljeva Sutjeska

Ulica Vladimira Nazora počinje odvajanjem desno sa regionalne ceste Kakanj-Kraljeva Sutjeska, odnosno ulice Maršala Tita, nastavlja pored O.Š. "Augustina Bessa-Luis" (uključujući i ovaj objekat) i pruža se lijevom obalom Trstionice uzvodno. Ukupna dužina ove ulice iznosi 278 m.

#### 50. Ulica bratstva i jedinstva Kraljeva Sutjeska

Ulica bratstva i jedinstva u naseljenom mjestu Kraljeva Sutjeska počinje odvajanjem desno od mosta i Ulice Vladimira Nazora pored OŠ "Augustina Bessa-Luis" u Kraljevoj Sutjesci (ne uključujući ovaj objekat), nastavlja lijevom obalom rijeke Trstionice nizvodno u dužini od 381 m.

#### Član 3.

U urbanom području općine Kakanj, utvrđuje se naziv trga koji glasi:

#### 1. Trg Kemala Baysaka

Trg Kemala Baysaka obuhvata središte sahat-kule, sa graničnim obuhvatom oivičenim granicom između desne strane Ulice Alije Izetbegovića, ograde Gradske džamije (harema) i Ulice 7. muslimanske brigade.

#### Član 4.

U urbanom području općine Kakanj, utvrđuju se nazivi mostova kako slijedi:

1. **Most zlatnih ljljana** - Most na rijeci Bosni, ulaz u grad,
2. **Most mladih** - Most na rijeci Bosni, izlaz iz grada,
3. **Mosta šehida** - Most na rijeci Zgošći u mjestu Bukovlje.

#### Član 5.

Danom stupanja na snagu ove Odluke, prestaju da se primjenjuju sve donesene pojedinačne odluke o utvrđivanju naziva ulica, trgova i mostova na području općine Kakanj.

#### Član 6.

Za realizaciju ove Odluke u skladu sa odredbama Pravilnika o sadržaju i načinu vođenja evidencija Agencije za identifikaciona dokumenta, evidenciju i razmjenu podataka BiH – IDDEEA, nadležno je Ministarstvo unutrašnjih poslova Zeničko-dobojskog kantona, PU Visoko, Policijska stanica Kakanj.

#### Član 7.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**

Slaven Katičić, sr.

111.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

**Broj: 01/1-6-141/17**

**Kakanj, 31.03.2017. godine**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 24. i 62. Statuta Općine Kakanj („Službene novine Općine Kakanj“, broj: 4/08),

Općinsko vijeće na 6. sjednici održanoj 31.03.2017. godine, **donijelo je**

## O D L U K U

### o postupku registracije i načinu vođenja Registra mjesnih zajednica Općine Kakanj

#### I - OPĆE ODREDBE

##### Član 1.

Ovom Odlukom propisuje se: nadležnost, postupak registracije mjesnih zajednica i upisa odgovarajućih promjena u registar mjesnih zajednica, nadležnost za vođenje registra, sadržina i način vođenja registra mjesnih zajednica, te druga pitanja od značaja za postupak registracije i način vođenja Registra mjesnih zajednica (u daljem tekstu: Registar).

##### Član 2.

Mjesna zajednica ima svojstvo pravnog lica i registruje se kod Službe za opću upravu radne i zajedničke poslove, lokalnu samoupravu i mjesne zajednice (u daljem tekstu: Služba) po postupku i na način uređen ovom Odlukom.

##### Član 3.

Registar je javan.

U pogledu javnosti podataka i dejstava prema trećim licima, primjenjuju se propisi o sudskom Registru.

Svaka zainteresirana osoba ima pravo uvida u podatke Registra, a Služba u kojoj se vodi Registar, po zahtjevu stranke, dužna je izdati odgovarajuće uvjerenje o podacima iz Registra, odnosno izvod iz Registra.

#### II - POSTUPAK REGISTRACIJE MJESNIH ZAJEDNICA

##### Član 4.

Registracija mjesnih zajednica se vrši po prijavi ovlaštene osobe. Osobe ovlaštene za registraciju mjesne zajednice su predsjednik savjeta mjesne zajednice ili lice koje predsjednik ovlasti.

Prijavu za registraciju mjesne zajednice ovlaštena osoba podnosi u roku od 30 dana od dana donošenja ove Odluke.

##### Član 5.

Prijava za registraciju mjesne zajednice sadrži: naziv i sjedište mjesne zajednice, broj i datum odluke o organizovanju mjesne zajednice, područje mjesne zajednice odnosno naziv naselja ili dijela naselja koja ulaze u sastav mjesne

zajednice, broj stanovnika i broj porodičnih domaćinstava mjesne zajednice, podatke o osobi odnosno osobama ovlaštenim za zastupanje mjesne zajednice u pravnom prometu s trećim licima i obim ovlaštenja, te datum podnošenja prijave i potpis podnosioca prijave.

#### Član 6.

Uz prijavu za registraciju mjesne zajednice se prilažu:

- odluka o organizovanju mjesne zajednice,
- uvjerenje o Poreznoj registraciji mjesne zajednice,
- obavještenje o razvrstavanju pravnog lica prema djelatnosti,
- odluka o potvrđivanju rezultata izbora i dodjeli mandata za članove savjeta mjesnih zajednica na području općine Kakanj,
- ovlaštenje za podnošenje prijave za registraciju mjesne zajednice,
- druge odgovarajuće isprave o predmetu upisa.

Isprave iz ovog člana se podnose u izvorniku, ovjerenom prepisu ili ovjerenoj fotokopiji.

#### Član 7.

Po prijavi za registraciju mjesne zajednice rješava Općinski načelnik.

#### Član 8.

U postupku po prijavi Općinski načelnik ispituje da li su se stekli formalni i materijalni uslovi za registraciju mjesne zajednice, propisani ovom Odlukom i zakonom.

#### Član 9.

Formalni uslovi za registraciju mjesne zajednice su:

- da je prijava blagovremena i podnesena od ovlaštene osobe,
- da je prijava potpuna odnosno da ima sadržinu propisanu ovom Odlukom,
- da su uz prijavu priložene isprave odnosno svi prilozi propisani ovom Odlukom, u izvorniku, ovjerenom prepisu ili ovjerenoj fotokopiji,
- da su isprave donesene u propisanom postupku i da imaju sadržinu propisanu zakonom, drugim propisom ili općim aktom.

#### Član 10.

Materijalni uslovi za registraciju mjesne zajednice su:

- da je prijava za registraciju u skladu sa zakonom i odredbama ove Odluke, odnosno da je

zakonom i ovom Odlukom utvrđena obaveza registracije.

#### Član 11.

Formalni i materijalni uslovi moraju biti kumulativno ispunjeni.

#### Član 12.

Na postupak po prijavi za registraciju mjesne zajednice primjenjuju se odredbe Zakona o upravnom postupku („Službene novine FBiH“, broj: 2/98 i 84/99).

#### Član 13.

Kada Općinski načelnik u postupku utvrdi da je prijava neblagovremena ili podnesena od neovlaštenog lica, donijet će rješenje o odbacivanju prijave.

#### Član 14.

Kada Općinski načelnik u postupku utvrdi da nisu ispunjeni uslovi za registraciju mjesne zajednice utvrđeni ovom Odlukom i zakonom, donijet će rješenje kojim se prijava za registraciju mjesne zajednice odbija.

#### Član 15.

Kada Općinski načelnik u postupku utvrdi da su ispunjeni uslovi za registraciju mjesne zajednice utvrđeni ovom Odlukom i zakonom, donijet će rješenje o upisu mjesne zajednice u Registar.

#### Član 16.

Rješenje o upisu mjesne zajednice u Registar ima uvod i izreku, a po potrebi može imati i obrazloženje.

Rješenje mora imati obrazloženje ako se njime prijava za registraciju odbacuje ili odbija.

#### Član 17.

Rješenje o upisu mjesne zajednice u Registar dostavlja se podnosiocu prijave, te nadležnoj Službi i obavezno objavljuje u Službenim novinama Općine Kakanj.

Rješenjem kojim se prijava za registraciju odbacuje ili odbija, dostavlja se podnosiocu prijave.

#### Član 18.

Protiv rješenja Općinskog načelnika može se izjaviti žalba.

Pravo na žalbu ima podnositelj prijave u roku od 8 dana od dana prijema rješenja.

Žalba se podnosi drugostepenoj Komisiji za žalbe.

**Član 19.**

Odredbе o postupku registracije mjesne zajednice, shodno se primjenjuju i na upis odgovarajućih promjena u Registar mjesnih zajednica (promjena naziva, sjedišta, ovlaštene osobe za zastupanje mjesne zajednice u upravnom prometu s trećim licima, prestanak mjesne zajednice i sl.).

**III- VOĐENJE REGISTRA MJESNIH ZAJEDNICA****Član 20.**

U Registar se upisuje mjesna zajednica kojoj je rješenjem Općinskog načelnika odobren upis u Registar mjesnih zajednica.

Registar vodi Služba za opću upravu, radne i zajedničke poslove, lokalnu samoupravu i mjesne zajednice.

Ovlaštenje za vođenje Registra utvrđuje se rješenjem Općinskog načelnika.

O upisu mjesne zajednice u Registar, Služba obavještava nadležni državni organ za poslove statistike radi vođenja evidencije o registrovanim mjesnim zajednicama.

**Član 21.**

Registar ima oblik knjige koja je tvrdog poveza, prošivena i numerisana, te ovjerena potpisom Općinskog načelnika i službenim pečatom.

Registar čine registarski podaci i registarske isprave.

**Član 22.**

U Registar se obavezno unose registarski podaci:

- naziv i sjedište mjesne zajednice,
- naziv naselja i dijela naselja koja ulaze u sastav mjesne zajednice,
- broj i datum odluke o osnivanju mjesne zajednice,
- broj i datum akta kojim se utvrđuje ime osobe ovlaštene za registraciju mjesne zajednice,
- podaci o osobi/ama, ovlaštenoj/im za zastupanje mjesne zajednice u pravnom prometu s trećim licima i obim ovlaštenja.
- broj stanovnika mjesne zajednice i broj domaćinstava,
- podaci o konstituisanju organa mjesne zajednice (broj i datum akta o izboru organa),
- prestanak mjesne zajednice i druge statusne promjene (broj i datum akta kojim je promjena utvrđena),
- drugi podaci o promjenama (broj i datum akta).

**Član 23.**

Registarske isprave predstavljaju isprave koje se prilažu uz prijavu za registraciju mjesne zajednice, pohranjuju i čuvaju u omotu registarskog uloška (aktivni i pasivni dio).

Na naslovnici omota registarskog uloška označeni su naziv i sjedište službe koja vodi Registar, broj registarskog uloška, redni broj upisa u Registar i naziv i sjedište mjesne zajednice.

Na prvoj lijevoj strani omota sadržan je pregled upisa u registarskom ulošku po hronološkom redu i to: broj registarskog lista, broj i datum upisa, oznaka, broj i datum rješenja, potpis ovlaštenog službenika i primjedba za upis.

**Član 24.**

Podaci o registraciji mjesnih zajednica i upisa promjena, u registar se unosi ručno, u pravilu mastilom, izuzev podataka koji podliježu promjenama (broj stanovnika, broj domaćinstva i sl.), koji se u registar unose grafitnom olovkom.

**Član 25.**

Mjesne zajednice koje su obrazovane do stupanja na snagu ove Odluke, Služba će po službenoj dužnosti upisati u Registar, a po osnovu činjenica o kojima se vodi službena evidencija, u roku od 90 dana od dana stupanja na snagu ove Odluke.

**Član 26.**

Ova Odluka stupa na snagu osmog dana po objavljivanju u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

112.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

**Broj: 01/1-6-142/17**

**Kakanj, 31.03.2017. godine**

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 13. stav (1) tačka c) Zakona o pripadnosti javnih prihoda u Federaciji Bosne i Hercegovine („Službene novine Federacije BiH“, broj: 22/06, 43/08 i 22/09), i člana 24. i 108. Statuta Općine Kakanj

(„Službene novine Općine Kakanj“, broj: 4/08), Općinsko vijeće na 6. sjednici održanoj 31.03.2017. godine, **donijelo je**

**O D L U K U**  
**o dopunama Odluke o administrativnim taksama Općine Kakanj**

**Član 1.**

U Odluci o administrativnim taksama Općine Kakanj („Službene novine Općine Kakanj“, broj: 4/10, 3/11, 11/13 i 10/15), u članu 19. (oslobađanje za spise i radnje) iza tačke k), dodaje se tačka l) i glasi: „ l) u postupku sklapanja braka u toku radnog vremena u službenim prostorijama Općine Kakanj i matičnim uredima.“

**Član 2.**

U Tarifniku broj 9., dodaje se Tarifnik broj 9 a) i glasi:

- „ 1. Sklapanje braka poslije radnog vremena radnim danom i neradnim danima 50,00 KM,
2. Sklapanje braka izvan službenih prostorija Općine Kakanj 150,00 KM.“

**Član 3.**

Ostali dio Odluke ostaje neizmjenjen.

**Član 4.**

Ova izmjena Odluke stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
Slaven Katičić, sr.

**113.**

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO - DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-6-143/17**  
**Kakanj, 31.03.2017. godine**

Na osnovu člana 35. stav (3) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 115. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i člana 24. Statuta Općine Kakanj („Službene novine Općine Kakanj“, broj: 4/08),

Općinsko vijeće na 6. sjednici održanoj 31.03.2017. godine, **donijelo je**

**O D L U K U**  
**o davanju saglasnosti za izgradnju sportske dvorane za potrebe kakanjskog sporta i za potrebe Srednje tehničke škole „Kemal Kapetanović“**

**Član 1.**

Ovom Odlukom daje se saglasnost za izgradnju objekta sportske dvorane za potrebe kakanjskog sporta i za potrebe Srednje tehničke škole „Kemal Kapetanović“.

Objekat će se graditi na parceli označenoj k.č.b:1736, površine 6420 m<sup>2</sup>, katastarska općina Kakanj, ulica Omladinska 32 Kakanj, Društvena svojina – Srednjoškolski centar Kakanj. Parcela se nalazi u zoni urbanističkog plana Kakanja 2011-2026. godine.

**Član 2.**

Dio sredstava za izgradnju objekta iz tačke 1. ove Odluke obezbjedit će se od prodaje imovine u vlasništvu Općine Kakanj i to od nekretnina: sportske sale, terena i ostalog komunikacionog prostora krovne etaže zgrade „City Center One“, u Kakanju kojim upravlja JU Kulturno sportski centar Kakanj i od drugih izvora.

**Član 3.**

Općinsko vijeće ovom odlukom obavezuje općinskog načelnika da iznađe dodatne budžetske izvore finansiranja ovog investicionog projekta, aplikacija kod viših nivoa vlasti (Kantona, Federacije i dr.) i promovisanje istog kod domaćih i stranih investitora.

**Član 4.**

Po okončanju prethodnih pripremnih aktivnosti za realizaciju ovog projekta, Općinsko vijeće će donijeti posebnu odluku o pristupanju nabavke i izgradnje sportske dvorane za potrebe kakanjskog sporta i Srednje tehničke škole „Kemal Kapetanović“ Kakanj.

**Član 5.**

Ova Odluka stupa na snagu danom donošenja i objavit će se u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
Slaven Katičić, sr.

114.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

Općinsko vijeće

Broj: 01/1-6-144/17

Kakanj, 31.03.2017. godine

Na osnovu člana 14. stav 4. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16) i člana 24. Statuta Općine Kakanj („Službene novine Općine Kakanj“, broj: 4/08), rješavajući po dopunskom prijedlogu Općinskog načelnika, broj: 02/1-1697/17 od 27.03.2017. godine, za utvrđivanje javnog interesa Općinsko vijeće na 6. sjednici održanoj 31.03.2017.godine, **donijelo je**

**O D L U K U****o dopuni Odluke o utvrđivanju javnog interesa**

1.Ovom Odlukom dopunjava se Odluka o utvrđivanju javnog interesa, broj: 01/1-277/16 od 08.09.2016. godine, kako slijedi:

2.Utvrđuje se javni interes u svrhu izgradnje kanalizacionog sistema i uređaja za prečišćavanja otpadnih voda u naselju Tršće, po prijedlogu Općinskog načelnika, te se može pristupiti nepotpunoj eksproprijaciji-ustanovljenju prava služnosti na slijedećim nekretninama, označenim kao:

- k.č. br. 174 njiva IV kl. zv. „Jaz“ u površini 135 m<sup>2</sup>, k.o. Tršće, upisana u posjedovni list broj 360, u posjedu Subašić Omera sina Adema iz Tršća, sa dijelom od 1/1,
- k.č. br. 324 „Bašća“ kuća i zgrada u površini 81 m<sup>2</sup>, dvorište u površini 500 m<sup>2</sup> i voćnjak III kl. u površini 653 m<sup>2</sup>, k.o. Tršće, upisana u posjedovni list broj 165, u posjedu Delić Ševale kći Ibrahima rođ. Musić iz Tršća sa dijelom od 1/1,
- k.č. br. 329 livada IV kl. zv. „Baščica“ u površini 475 m<sup>2</sup>, k.o. Tršće, upisana u posjedovni list broj 418, u posjedu Zahirović Fatime kći Edhema iz Tršća, sa dijelom od 1/1,
- k.č. br. 369/1 voćnjak III kl. zv. „Zanoga“ u površini 1100 m<sup>2</sup>, k.o. Tršće, upisana u posjedovni list broj 163, u posjedu Delić rođ. Sačić Hajrije iz Tršća, sa dijelom od 1/11 i drugih,

- k.č. br. 419 livada II kl. zv. „Trst“ u površini 744 m<sup>2</sup>, k.o. Tršće, upisana u posjedovni list broj 452, u posjedu Fejzić Hajrudina sina Selima iz Tršća, sa dijelom od 1/1,
- k.č. br. 426/2 „Trst“ kuća i zgrada u površini 99 m<sup>2</sup>, dvorište u površini 500 m<sup>2</sup> i livada IV kl. u površini 41 m<sup>2</sup>, k.o. Tršće, upisana u posjedovni list broj 620, u posjedu Fejzić Senada sina Džemala iz Tršća, sa dijelom od 1/1,
- k.č. br. 449 njiva IV kl. zv. „Bare“ u površini 904 m<sup>2</sup>, k.o. Tršće, upisana u posjedovni list broj 156, u posjedu Delić Habibe kći Edhema rođ. Neimarlija iz Tršća, sa dijelom od 1/1,
- k.č. br. 452 njiva III kl. zv. „Bare“ u površini 478, k.o. Tršće, upisana u posjedovni list broj 629, u posjedu Bliznović Atife kći Esada rođ. Delić iz Tršća, sa dijelom od 1/1,
- k.č. br. 453 njiva III kl. zv. „Bara“ u površini 530 m<sup>2</sup>, k.o. Tršće, upisana u posjedovni list broj 165, u posjedu Delić Ševale kći Ibrahima rođ. Musić iz Tršća,
- k.č. br. 460 „Bara“ kuća i zgrada u površini 74 m<sup>2</sup>, dvorište u površini 500 m<sup>2</sup> + njiva III kl. zv. u površini 386 m<sup>2</sup>, k.o. Tršće, upisana u posjedovni list broj 460, u posjedu Bliznović Behije kći Hasana rođ. Čeliković iz Tršća. sa dijelom od 1/5 i drugih,
- k.č. br. 496 njiva V kl. zv. „Otes“ u površini 828 m<sup>2</sup>, k.o. Tršće, upisana u posjedovni list broj 420, u posjedu Zelić Josipa sina Luke iz Tršća, sa dijelom od 1/1,
- k.č. br. 606 livada III klase zv. „Otes“ u površini 1367 m<sup>2</sup>, k.o. Tršće, upisana u posjedovni list broj 76, u posjedu Brkić Berislava sina Ante iz Tršća, sa dijelom od 1/9 i drugih,
- k.č. br. 607/1 livada III klase zv. „Otes“ u površini 3559 m<sup>2</sup>, k.o. Tršće, upisana u posjedovni list broj 76, u posjedu Brkić Berislava sina Ante iz Tršća, sa dijelom od 1/9 i drugih,
- k.č. br. 627/3 njiva IV kl. zv. „Luka“ u površini 2564 m<sup>2</sup>, k.o. Tršće, upisana u posjedovni list broj 210, u posjedu Fejzić Vehbije sina Mehmeda iz Tršća, sa dijelom od 1/1,
- k.č. br. 1009 rijeka. zv. „Marašička rijeka“ u površini 6322 m<sup>2</sup>, k.o. Tršće, upisana u posjedovni list broj 197, u posjedu D.S. javno dobro vode, sa dijelom 1/1,
- k.č. br. 1016 Nekategorisani put zv.„Put Tršće-Kakanj“ u površini 2795 m<sup>2</sup>, k.o. Tršće, upisana u posjedovni list broj 196, u posjedu D.S. Javno dobro putevi, sa dijelom 1/1,



- k.č. br. 1870 njiva III kl. zv. „Pruževina“ u površini 390 m<sup>2</sup>, k.o. Tršće, upisana u posjedovni list broj 456, u posjedu Banjić Maide kći Ragiba iz Tršća, sa dijelom 1/1,
- k.č. br. 2125/1 njiva III kl. zv. „Luke“ u površini 1363 m<sup>2</sup>, k.o. Tršće, upisana u posjedovni list broj 397, u posjedu Subašić Samira i Senada sinova Ragiba iz Tršće 55/3 sa dijelom od po 1/2,
- k.č. br. 2540 rijeka. zv. „Marašička rijeka“ u površini 3673 m<sup>2</sup>, k.o. Tršće, upisana u posjedovni list broj 197, u posjedu D.S. javno dobro vode, sa dijelom 1/1.

3. U postupku eksproprijacije će se utvrditi dužina trase za svaku parcelu prema urađenom projektu, tako da će se ustanovljenje prava služnosti utvrditi na dijelu parcela, označenih u tački 1. ove Odluke.

4. Utvrđuje se da je Općina Kakanj korisnik nepotpune eksproprijacije za izgradnju kanalizacionog sistema i uređaja za prečišćavanje otpadnih voda u naselju Tršće.

5. Protiv ove Odluke može se pokrenuti upravni spor kod Kantonalnog suda u Zenici, u roku od 30 dana od dana dostavljanja iste. Tužba se podnosi neposredno Sudu u dva istovjetna primjerka, uz koju treba priložiti i kopiju ove Odluke.

**PREDSJEDAVALAČI  
OPĆINSKOG VIJEĆA**  
Slaven Katičić, sr.

115.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ  
Općinsko vijeće**

Broj: 01/1-6-145/17

Kakanj, 31.03.2017. godine

Na osnovu člana 24. stav (1) tačka 14) Statuta Općine Kakanj („Službene novine Općine Kakanj“, broj: 4/08) i člana 5. Odluke o dodjeli petnaestoaprilskih priznanja („Službene novine Općine Kakanj“, broj: 9/11 i 5/16), Općinsko vijeće na 6. sjednici održanoj 31.03.2017. godine, donijelo je

### O D L U K U

#### o dodjeli petnaestoaprilskih priznanja

#### Član 1.

U povodu 15. aprila – Dana općine Kakanj, dodjeljuju se sljedeća petnaestoaprilska priznanja:

#### A) GRB OPĆINE KAKANJ

„Grb općine Kakanj“ se dodjeljuje:

JU „Kulturno-sportki centar“ Kakanj za afirmaciju i promociju općine Kakanj na kulturnom, sportskom i obrazovnom nivou kao i drugim segmentima društvenog i javnog života.

#### B) PLAKETA SA DIPLOMOM

1. „Plaketa sa diplomom“ se dodjeljuje:

Rudarskoj glazbi za afirmaciju kulturnog života u Kakanju kao i promociju općine na državnom i međunarodnom nivou.

2. „Plaketa sa diplomom“ se dodjeljuje:

Igoru Andrijeviću za postignute privredne uspjehe i veliki nesebičan sportski, humanitarni i obrazovni angažman.

3. „Plaketa sa diplomom“ se dodjeljuje:

Rešadu Merdiću za predan rad i veliki doprinos društvenoj zajednici kroz svoj politički i privredni angažman.

#### C) ZAHVALNICA

1. „Zahvalnica“ se dodjeljuje:

Raifu Čehajiću za promociju i očuvanje historije i njegovanje kulturne baštine općine Kakanj.

2. „Zahvalnica“ se dodjeljuje:

Sekciji dobrovoljnih davalaca krvi RMU Kakanj za nesebičan i velikodušan doprinos očuvanja života građana općine Kakanj.

3. „Zahvalnica“ se dodjeljuje:

Hasanu Alajbegoviću za predan rad i veliki doprinos u razvoju poljoprivrede i stočarstva u Kakanju.

4. „Zahvalnica“ se dodjeljuje:

Željku Kolakoviću za veliki angažman u poticanju povratka, obnove i izgradnje na području općine Kakanj naročito Kraljeve Sutjeske.

**5. „Zahvalnica“ se dodjeljuje:**

Slovenskom udruženju građana „Jozef Špringer“ za doprinos u cjelokupnom razvoju općine Kakanj i afirmaciji nacionalnih manjina u BiH.

**Član 2.**

Petnaestoaprilska priznanja uručit će se dobitnicima na svečanosti u povodu obilježavanja „15. aprila – Dana općine Kakanj“.

**Član 3.**

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

116.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

Broj: 01/1-6-146/17

Kakanj, 31.03.2017. godine

Na osnovu člana 17. Zakona o osnovnoj školi („Službene novine Ze- do kantona“, broj: 5/04, 20/07, 9/11, 4/14) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 6. sjednici održanoj 31.03.2017. godine, donijelo je

**PRIJEDLOG UPISNOG/GRAVITACIONOG  
PODRUČJA OSNOVNIH ŠKOLA U OPĆINI  
KAKANJ**

Upisno/gravitaciono područje osnovnih škola u Kaknju obuhvata sljedeća naseljena mjesta:

**1. OŠ Mula Mustafa Bašeskija**

Brus, Bare od kuće Gavrić Vence desno područje rezervoara, objekat ŠPD-a, zgrada MGM-a, III soliter, Ulica branilaca do zgrade Elektrodistribucije, putem do Grbavice na Vardi, do Begeđ garaža (bivša elementara), sve kuće do kopa desnom stranom prema džamiji u Popima do kuća Lozančića (uključujući i Lozančiće), Kubure, Pope, Brnj, Hausoviće, Bijele Vode, Kučići, Gornji Banjevac, Drijen, Crnač, Zgošća, Alagići,

Bukovlje, Tršće, Ivnica, Semetiš, Vukanovići, Zlokuće, Slogošići, Zagrađe, Halinovići.

**2. OŠ HAMDIIJA KREŠEVLJAKOVIĆ**

Novo naselje Bare, lijevom stranom od kuće Gavrića Vence do rezervaoara, objekta ŠPD-a, zgrade MGM-a, III solitera, Ulice branilaca do zgrade Elektrodistribucije, putem do Grbavice na Vardi, do Begeđ garaže prema kopu, Zagulje, Karaulsko Polje, Hasa, Povezice, do industrijskog puta i mosta Hidrogradnje do pruge prema Kaknju, do Kovačnice u Doboju.

**3. OŠ 15. APRIL**

Bičer, Potok prem Zlom Brijegu do rijeke Bosne, Povezice - do Cementarinog mosta i industrijskog puta, naselje Željeznička stanica (iznad pruge), naselje Doboj do Kovačnice, Vehabi do kuće Rustempašića, Čatići, Turbići, Gora, Poljice, Slapnica, Donja Papratnica, Javor, Gornja Papratnica, Kujavče, Termoelektrana, Koprivnica, Donji Banjevac, Sebinje i Slijevnice.

**4. OŠ AHMED MURADBEGOVIĆ**

Bilješevo, Donji Lučani, Gornji Lučani, Mioči, Dumanac, Desetnik, Donji Kakanj, Groce, Tičići, Mramor, Ribnica, Modrinje, Viduša, Saranovići, Subotinje, Popržena Gora, Sopotnica, Jehovina.

**5. OŠ OMER MUŠIĆ**

Bjelavići, Podbjelavići, Obre, Usjel, Brežani, Bištrani, Miljačići, Haljinići, Bistrik-Crkvenjak, Marijina Voda, Ričica, Živalji, Rojin Potok, Seoce, Bijelo Polje, Lukovo Brdo, Kraljeva Sutjeska, Ratanj, Teševo, Nažbilj, Bastašići, Lipnica, Hrasno, Klanac, Poljani, Lučići, Veliki Trnovci, Pavlovići.

**6. OŠ REŠAD KADIĆ**

Brnjic, Bašići, Jerevice, Pedići, Dubovo Brdo, Kondžilo, Krševac, Hodžići, Podborje, Turalići, Varalići, Slivanj, Hrastovac, Starposle, Gradac.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

**117.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

**Broj:** 01/1-6-148/17

**Kakanj,** 31.03.2017. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 27. Zakona o ustanovama („Službeni list R BiH“, broj: 6/92, 8/93 i 13/94), Općinsko vijeće na 6. sjednici održanoj 31.03.2017. godine, donijelo je

**O D L U K U**

**o usvajanju Izvještaja o finansijskom poslovanju JU za predškolski odgoj i obrazovanje „Mladost“ Kakanj za period 01.01-31.12.2016. godine**

**Član 1.**

Ovom Odlukom, usvaja se Izvještaj o finansijskom poslovanju JU za predškolski odgoj i obrazovanje „Mladost“ Kakanj za period 01.01-31.12.2016. godine.

**Član 2.**

Sastavni dio ove Odluke je Izvještaj o finansijskom poslovanju JU za predškolski odgoj i obrazovanje „Mladost“ Kakanj za period 01.01-31.12.2016. godine.

**Član 3.**

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

**118.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

**Broj:** 01/1-6-147/17

**Kakanj,** 31.03.2017. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 6. sjednici održanoj 31.03.2017. godine, donijelo je

**Z A K L J U Č A K**

**o prihvatanju Informacije o stanju sigurnosti na području Policijske stanice Kakanj za 2016. godinu**

**Član 1.**

Prihvata se Informacija o stanju sigurnosti na području Policijske stanice Kakanj za 2016. godinu.

**Član 2.**

Sastavni dio ovog Zaključka je Informacija o stanju sigurnosti na području Policijske stanice Kakanj za 2016. godinu.

**Član 3.**

Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

**119.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinski načelnik**

**Broj:** 02/1-6-640/17

**Kakanj,** 14.02.2017. godine

Na osnovu člana 47. Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05, 6/06, i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Ze-do kantona“, broj: 3/12), člana 2. Zakona o namještenicima u organima državne službe u Federaciji Bosni i Hercegovini („Službene novine Federacije Bosne i Hercegovine“, broj: 49/05), člana 1. i 76. stav 1. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije Bosne i Hercegovine“, broj: 23/00, 50/00, 97/13, 18/16 i 89/16), člana 38. stav 1. tačka 5. Statuta Općine Kakanj („Službene novine Općine Kakanj“, broj: 4/08), Općinski načelnik, d o n o s i

**P R A V I L N I K**

**o izmjenama i dopunama Pravilnika o radnim odnosima službenika i namještenika organa uprave Općine Kakanj**

**Član 1.**

U nazivu Pravilnika o radnim odnosima službenika i namještenika organa uprave Općine Kakanj, iza riječi: „odnosima“, dodaje se riječ: „državnih“.

**Član 2.**

U Pravilniku o radnim odnosima službenika i namještenika organa uprave Općine Kakanj („Službene novine Općine Kakanj“, broj: 5/2006), u članovima: „1., 4. – 8., 12. – 17., 20., 21., 23. – 26., 28., 33., 34., 58., 66., 88. i 90.“, ispred riječi: „službenik“, dodaje se riječ: „državni“ i u članovima: „59. – 63., 68. – 70., 72., 73., 75., 76., 79., 80., 82. – 84.“, umjesto riječi: „zaposlenik“, piše se: „državni službenik i namještenik“, u odgovarajućim padežima.

**Član 3.**

U članu 2. iza riječi: „i“, dodaju se riječi: „javnog oglasa“ i umjesto riječi: „ispunjavanja“, piše se riječ: „ispunjavanjem“.

**Član 4.**

U članu 9. stav 1. umjesto: „4. i 6“, piše se: „8“, u stavu 3. tačka b) alineja 3. iza riječi: „spreme“, dodaju se riječi: „odnosno visoko obrazovanje I, II ili III ciklusa Bolonjskog sistema studiranja, što se utvrđuje propisom kojim se utvrđuju poslovi osnovne djelatnosti i pomoćno – tehnički poslovi i uvjeti za njihovo obavljanje u organu državne službe Federacije BiH“.

**Član 5.**

Član 10., briše se.

**Član 6.**

U nazivu člana 27. iza riječi: „pripravnici“, dodaju se riječi: „i lica na stručnom osposobljavanju bez zasnivanja radnog odnosa“.

**Član 7.**

Iza člana 27. dodaje se član 27a., koji glasi:

“ Član 27a.

Lica na stručnom osposobljavanju bez zasnivanja radnog odnosa

Radi sticanja radnog iskustva ili polaganja stručnog ispita koji je uvjet za obavljanje poslova određenog zanimanja, općinski načelnik može lice koje je završilo školovanje za takvo zanimanje primiti na stručno osposobljavanje bez zasnivanja radnog odnosa, po postupku i na način koji je zakonom predviđen za pripravnike.

Vrijeme stručnog osposobljavanja iz stava 1. ovog člana računa se u pripravnički staž i radno iskustvo utvrđeno kao uvjet za rad u određenom zanimanju i može trajati najduže onoliko vremena koliko traje pripravnički staž.

Ugovor o stručnom osposobljavanju zaključuje se u pisanoj formi.

Osobe na stručnom osposobljavanju imaju pravo na zdravstveno osiguranje kako je to utvrđeno propisima za nezaposlene osobe, a pravo po osnovu osiguranja za slučaj povrede na radu i profesionalnog oboljenja osigurava općinski načelnik u skladu s propisima o penzijskom i invalidskom osiguranju.“

**Član 8.**

Članovi 29. – 32., brišu se.

**Član 9.**

U članu 49. riječi: „Namještenici koji su se zatekli u radnom odnosu, a nemaju položen stručni ispit dužni su taj ispit položiti u roku od šest mjeseci od dana donošenja rješenja o rasporedu namještenika u skladu sa Pravilnikom o sistematizaciji“, brišu se.

U istom članu, iza stava 3. dodaje se stav 4. koji glasi: „Sredstva za polaganje stručnog ispita namještenika osigurava općinski načelnik, a sredstva za polaganje popravnog ispita snosi namještenik.“

**Član 10.**

U nazivu člana 54. iza riječi: „pripravnici“, dodaju se riječi: „i lica na stručnom osposobljavanju bez zasnivanja radnog odnosa“.

**Član 11.**

Iza člana 54. dodaje se član 54a., koji glasi:

“ Član 54a.

Lica na stručnom osposobljavanju bez zasnivanja radnog odnosa

Radi sticanja radnog iskustva ili polaganja stručnog ispita koji je uvjet za obavljanje poslova određenog zanimanja, općinski načelnik može lice koje je završilo školovanje za takvo zanimanje primiti na stručno osposobljavanje bez zasnivanja radnog odnosa, po postupku i na način koji je zakonom predviđen za pripravnike.

Vrijeme stručnog osposobljavanja iz stava 1. ovog člana računa se u pripravnički staž i radno iskustvo utvrđeno kao uvjet za rad u određenom zanimanju i može trajati najduže onoliko vremena koliko traje pripravnički staž.

Ugovor o stručnom osposobljavanju zaključuje se u pisanoj formi.

Osobe na stručnom osposobljavanju imaju pravo na zdravstveno osiguranje kako je to utvrđeno propisima za nezaposlene osobe, a pravo po osnovu osiguranja za slučaj povrede na radu i profesionalnog oboljenja osigurava općinski načelnik u skladu s propisima o penzijskom i invalidskom osiguranju.“

#### Član 12.

U članu 61. umjesto riječi: „narednoj sedmici“, pišu se riječi: „periodu određenom koji ne može biti duži od dvije sedmice“.

Dodaje se stav 2. koji glasi: “Državni službenik i namještenik je dužan, najkasnije u roku od 3 dana od dana nastupanja spriječenosti za rad, pisanim putem obavijestiti neposredno nadređenog o privremenoj spriječenosti za rad“.

#### Član 13.

U članu 64. u tački c) umjesto: „18“, piše se: “20“.

#### Član 14.

Član 65., mijenja se i glasi: „Osnovica godišnjeg odmora iz prethodnog člana ovog Pravilnika uvećava se prema sljedećim osnovama i mjerilima:

1. Po osnovu radnog staža:
  - za svake tri godine radnog staža 1 dan.
2. Po osnovu složenosti poslova:
  - državnim službenicima koji obavljaju poslove visoke sprema 4 dana,
  - namještenicima koji obavljaju poslove više stručne sprema i namještenicima sa VKV spremom 3 dana,
  - namještenicima koji obavljaju poslove srednje školske sprema 2 dana,
  - namještenicima sa KV spremom 2 dana,
  - ostalim namještenicima 1 dan.
3. Po osnovu uvjeta rada:
  - rad na poslovima sa otežanim uvjetima rada 3 dana,
  - rad u smjenama i u neradne dane 2 dana.
4. Po osnovu socijalnih i zdravstvenih uvjeta:
  - roditelju ili staratelju sa djetetom do sedam godina 1 dan za svako dijete
  - samohranom roditelju ili staratelju sa djetetom do deset godina 2 dana za svako dijete,
  - samohranom roditelju ili staratelju sa hendikepiranim djetetom 2 dana za svako dijete,
  - invalidu 2 dana.
5. Po osnovu rezultata rada:
  - za uspješne rezultate rada 1 dan,
  - za naročito uspješne rezultate u radu 2 dana.

#### Član 15.

U članu 67. umjesto riječi: “stanjem do dana kada počinje korištenje godišnjeg odmora“, pišu se riječi: „31. decembrom prethodne godine.“

#### Član 16.

U članu 68. stav 1. umjesto riječi: „osam“, piše se: „15“.

Iza stava 2., dodaje se stav 3., koji glasi: „Odsustvo sa rada zbog privremene spriječenosti za rad, materinstva i drugog odsustva koje nije uvjetovano voljom državnog službenika i namještenika, ne smatra se prekidom rada iz stava 1. ovog člana“.

#### Član 17.

U članu 73. dodaje se stav 3., koji glasi: „U slučaju prestanka radnog odnosa, općinski načelnik je dužan državnom službeniku i namješteniku koji nije iskoristio cijeli ili dio godišnjeg odmora isplatiti naknadu umjesto korištenja godišnjeg odmora u iznosu koji bi primio da je koristio cijeli, odnosno preostali dio godišnjeg odmora, ako godišnji odmor ili njegov dio nije iskoristio krivicom Općine Kakanj“.

#### Član 18.

U članu 76. iza riječi: “službenici“, dodaju se riječi: „ i namještenici“, umjesto: „5“, piše se : „7“, riječi: „a namještenici do 7 radnih dana u jednoj kalendarskoj godini“, brišu se.

#### Član 19.

U članu 78. u alineji 1., riječ: “stručnog“, briše se, iza alineje 4., dodaje se alineja 5., koja glasi: „ - za sindikalne aktivnosti u trajanju dužem od 3 radna dana u mjesecu 5 dana“, iza alineje 5., dodaje se alineja 6., koja glasi: „ - za sudjelovanje u stručnim seminarima 5 dana“, iza alineje 6., dodaje se alineja 7., koja glasi: „ - za gradnju kuće ili stana 5 dana“.

#### Član 20.

U članu 81. stav 2., briše se.

#### Član 21.

U članu 83. u stavu 2. riječi: „za slučajeve povrede u službi ili uvjeti službe, odnosno dolaska na posao i odlaska s posla“, brišu se.

#### Član 22.

U članu 87., iza riječi: „člana“, dodaje se: “85 i“.

**Član 23.**

Član 92. mijenja se i glasi: „Ovaj Pravilnik stupa na snagu osmog dana od dana objave u „Službenim novinama Općine Kakanj“.

**OPĆINSKI NAČELNIK**

Nermin Mandra, sr.

**120.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinski načelnik**

**Broj: 02/1-6-1200/17**

**Kakanj, 09.03.2017. godine**

Na osnovu člana 29. tačka 7. a u vezi sa članom 3. stav 1. tačka 3. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10), člana 31. i 32. Pravilnika o načinu rada i funkcionisanja štabova i povjerenika civilne zaštite („Službene novine Federacije BiH“, broj: 77/06 i 5/07), člana 2. Odluke o osnivanju Općinskog štaba civilne zaštite („Službene novine Općine Kakanj“, broj: 3/04 ) i člana 38. i 118. Statuta Općine Kakanj („Službene novine Općine Kakanj“, broj: 4/08) a na prijedlog Općinskog štaba civilne zaštite, Općinski načelnik d o n o s i:

**ODLUKU**

**o proglašenju stanja nesreće na ograničenom području naselja „ Malješ“, općina Kakanj (iznad regionalnog puta R-445 kod skretanja za Karaulsko Polje) - usljed klizanja i slijeganja zemljišta**

**I**

Ovom Odlukom proglašava se nastanak stanja nesreće na ograničenom području naselja „ Malješ“, općina Kakanj (iznad regionalnog puta R-445 kod skretanja za Karaulsko Polje) - usljed klizanja i slijeganja zemljišta, dana 09.03.2017. godine.

**II**

Ovom nesrećom usljed klizanja i slijeganja zemljišta ugroženo je ograničeno područje naselja „ Malješ“, općina Kakanj (iznad regionalnog puta R-445 kod skretanja za Karaulsko Polje).

**III**

Za provođenje akcije zaštite ugroženog stanovništva i materijalnih dobara, koristiti snage i sredstva raspoloživih struktura Službi zaštite i spašavanja, Jedinica opće namjene i sredstava pravnih lica po ukazanoj potrebi na području općine Kakanj.

**IV**

Sredstva koja će se moći koristiti u akcijama zaštite i spašavanja biće osigurana u Budžetu Općine Kakanj a tijelo uprave nadležno za rješavanje tih pitanja je Služba za finansije Općine Kakanj.

**V**

Akcijom zaštite i spašavanja rukovodit će Općinski štab civilne zaštite Kakanj.

**VI**

Ovom Odlukom utvrđuju se obaveze za rukovodioce organa uprave i druga pravna lica, da su dužni provoditi sve naredbe Općinskog štaba civilne zaštite.

**VII**

Vrijeme važenja ove Odluke trajat će sve dok se ne završi period stanja nesreće, odnosno do donošenja Odluke o prestanku stanja nesreće, koju donosi isto tijelo vlasti koje je donijelo Odluku o proglašenju nastanka stanja nesreće na ograničenom području općine Kakanj.

**VIII**

Odluka stupa na snagu odmah, a objavit će se u „Službenim novinama Općine Kakanj“.

**OPĆINSKI NAČELNIK**

Nermin Mandra, sr.



**S A D R Ź A J**  
**„Službenih novina Općine Kakanj“ 7/17**

108. Odluka o usvajanju Izvještaja o provedenoj javnoj raspravi o nacrtima Odluke o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj i Odluke o utvrđivanju naziva ulica, trgova i mostova na području općine Kakanj .....	1
109. Odluka o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj .....	1
110. Odluka o utvrđivanju registra naziva ulica, trgova i mostova na području općine Kakanj .....	6
111. Odluka o postupku registracije i načinu vođenja Registra mjesnih zajednica Općine Kakanj .....	12
112. Odluka o dopunama Odluke o administrativnim taksama Općine Kakanj .....	15
113. Odluka o davanju saglasnosti za izgradnju sportske dvorane za potrebe kakanjskog sporta i za potrebe Srednje tehničke škole „Kemal Kapetanović“ .....	15
114. Odluka o dopuni Odluke o utvrđivanju javnog interesa (kanalizacioni sistem Tršće) .....	16
115. Odluka o dodjeli petanaestoaprilskih priznanja .....	17
116. Prijedlog upisnog/gavitacionog područja osnovnih škola u općini Kakanj .....	18
117. Odluka o usvajanju Izvještaja o finansijskom poslovanju JU za predškolski odgoj i obrazovanje „Mladost“ Kakanj za period 1.1-31.12.2016.godine .....	19
118. Zaključak o prihvatanju Informacije o stanju sigurnosti na području PS Kakanj za 2016.godinu .....	19
119. Pravilnik o izmjenama i dopunama Pravilnika o radnim odnosima službenika i namještenika organa uprave Općine Kakanj .....	19
120. Odluka o proglašenju stanja nesreće na ograničenom području naselja „Malješ“, općina Kakanj (iznad regionalnog puta R-445 kod skretanja za Karaulsko Polje) – usljed klizanja i slijeganja zemljišta .....	22